

DEMANT TVRDNJI O 'BRISANJU BH. HEROJA'

Iz Ministarstva odbrane BiH odgovaraju Zelenim beretkama: Zašto je sklonjena tabla sa imenom 'Muhidin Dino Magoda'?

Front

28.01.20, 11:56h



PODIJELI NA

f t g+

POVEZANI TEKSTOVI

Gdje je nestala tabla: Kome smetaju heroji? Za ministra došao kadar 'Zlatnog ljiljana' Željka Komšića i evo šta je uradio...

Ovo je krajnje vandalski čin, a posebno ako se uzme da je do sada bilo više m...

24 SATA

Treslo se tlo u susjedstvu: Zemljotres pogodio Zagreb!

Radončić: Prespavali smo tri godine migrantske krize, bh. sigurnosne i obavještajne službe su na granici kapaciteta

Islamska država preuzela odgovornost za napad u Londonu

RyanAir poletio za Frankfurt, uskoro

Izneseni su netačni navodi da je ministar odbrane BiH Sifet Podžić naredio uklanjanje prijašnjih obilježja sa vojnih lokacija

Povodom reagiranja Zelenih beretki o "uklanjanju table sa imenom "Muhidin Dino Magoda", iz Ministarstva odbrane Bosne i Hercegovine stigao je demanti u kome se navodi sljedeće:

Na „Depo portalu“, dana 27.01.2020. godine, objavljen je tekst pod nazivom: **„Gdje je nestala tabla: Kome smetaju heroji? Za ministra došao kadar „Zlatnog ljiljana“ Željka Komšića i evo šta je uradio...“**, gdje su izneseni netačni navodi da je ministar odbrane BiH **Sifet Podžić** naredio uklanjanje prijašnjih obilježja sa vojnih lokacija.

U cilju istinitog informisanja javnosti zahtjevamo da hitno objavite tekst demantija kako slijedi:

Na osnovu Naredbe načelnika Zajedničkog štaba OS BiH, a u skladu sa tačkama 74. i 75. Pravila službe Oružanih snaga BiH, izvršeno je zvanično obilježavanje svih vojnih lokacija određenim Predsjedničkom Odlukom o razmještanju i broju lokacija OS BiH, do augusta 2019. godine.

Tabla sa imenom „Muhidin Dino Magoda“, koja se nalazila na objektu u kojem je smješten ZŠ OS BiH, u ulici Bistrik br. 5, također je, u skladu sa naprijed navedenim, zamjenjena jedinstvenim obilježjem u mjesecu julu 2019. godine.

U skladu sa pripisanim procedurama, briga o daljem skladištenju i čuvanju prijašnjih obilježja je u nadležnosti pješadijskih pukova OS BiH, što je slučaj i sa naprijed navedenom tablom.

O cijelom procesu zamjene prijašnjih sa jedinstvenim obilježjima vojnih lokacija mediji i bh javnost su bili blagovremeno upoznati, što potvrđuju objavljene vijesti na web stranicama MO i OS BiH.

Stoga, u cilju nastavka dobre saradnje, potrebno je da u buduće provjeru navoda koje objavljujete o resoru odbrane izvršite kod zvaničnog izvora informacija - navodi se u reagiranju Ureda za odnose s javnošću Ministarstva odbrane BiH.

(DEPO POL/BLIN MAGAZIN/ad)

Recommend

Share

11 people recommend this. Sign Up to see what your friends recommend.